

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 44	Issue No. 27	Ramhlun North: Ni 4 July, 2026
---------	--------------	--------------------------------

BRANCH THU

■ July thla khawharin hruiatu turte:
Leader : Lalhuanawma
Asst. Leader : Pu A Lalfakzuala
OB Incharge : Pu Biakchungnunga
1. Pu Lalmalsawma Sailo
2. Pu Lalneihhlua
3. Pu Isaac Zothianghlina
4. Pu John Lallawmawma
5. NI. Helen Zochhingpuii
6. NI. Lalremruati

■ July ni 10, 2026 (Zirtawpni) zan hian RNYMA Executive Committee Meeting neih a ni dawn a, member ten remchang lo insiam tura beisei kan ni e.

■ Ni 29.06.2026 (Thawhtanni) khan Govt. Bethlehem Vengthlang High School-ah CYMA hmalaknain 'Ruihhlo Do Campaign' hlawhtling tak hman a ni a. He hunah hian Pu Lalrochama, Branch Vice President leh CYMA Kumpuan Sub-Committee Secretary ni bawk chuan ruihhlo that loh zia leh zirlaite ruihhlo laka inthiarfihlim tura fuihna thu a sawi.

■ Media & Documentation Sub-Committee hman tur, Cloud Storage lei remtih a ni.

■ Vanapa Section-te chuan Branch Budget ₹ 10,000/- an pe tla.

SUB-COMMITTEE THU

■ **Library sub-committee:** Library sub-committee-te chuan vawiin khan 'Meet the Author' hun an hmang a, he hunah hian Pu Lalhruaitluanga Chawngte, Mission Vengthlang chuan hun a rawn hmanpui.

Tin, Library sub-committee chuan bialtu MLA, Dr. Vanlalhlana hnen atangin MLA Fund ₹ 53,000/- an dawng a, MLA chungah lawmthu an sawi e.

■ **Library duty turte:**
1. RD Vanlalhmangaihzei, N-Sec.
2. Ruth Biakchungnungi, T-Sec.
3. Lalnunpuii Hmar, T-Sec.
4. Lalremruatfeli Pulamte, K-Sec.
5. Zodinpuui Zote, T-Sec.
6. Lalmawizuali, S-Sec.

KUMPUAN SUB-COMMITTEE HMALAKNA (Vengchhung a lo him a, a lo ralmuan theih nan theihtawp chhuah zel dawn)

Ramhlun North, the 4th July, 2026: Ni 10.3.2026 zan dar 8:30 ah kumpuan hawnna CYMA President, Pu R. Lalingheta'n min neihsak hnua Kumpuan Sub-Committee te chuan theihtawp chhuahin vengchhunga lo him a a lo ralmuan zel theih nan hma an la nghal a, tun hun thleng a ruihhlo leh a khaihnawih a sawrkar leh ruihhlo do pawl te nen a hma an lakna leh Kumpuan Sub-Committee-te tel vena chu hetiang hi a ni e:

- Ni 7.03.2026 zan ah kan veng tlangval pakhat, Vanapa Section ami chu No. 4 leh a kaihnawih ruihhlo avangin Kumpuan Sub-Committee ten ko in thu tha hrilh a ni a, hemi kalzel ah hian Ni 8.3.2026 khan kan veng a No.4 rawn vawrh nasa ber pakhat Ramhlun South lam mi chu man a ni a, ZADS kut a hlan a nih hnu ah TNT lam ah dah luh a ni.
- Ni 15.03.2026 khan Ramhlun Vengthar lam ten kan veng tlangval Saizahawla Section lam mi chu rukruk avangin an man a, ani hi kan kut a an rawn hlan hnu ah thu tha hrilh a zilh a nih hnu in CADS lamin mamawhna an neih avangin an kut ah hlan a ni.
- Ni 16.03.2026 khan CID Crime te nen a tangkawp in Chawngbawla Section huamchhung ah No.4 Hawng 6 leh khuh damdawi bur 220 man a ni.
- Ni 12.04.2026 khan Vanapa Section huamchhung ah No. 4 Hawng 1 leh Tiktak bur 23 chu Excise & Narcotics Department lam te nen tangho a man a ni.
- Ni 22.04.2026 khan Vanapa Section huamchhung ah CADS leh Excise & Narcotics Department te nen a tangho in No 4 Hawng 3 man a ni.
- Ni 29.06.2026 khan Chawngbawla Section huamchhung ah Thuampui Kumpuan duty te nen a tangkawp in Zu (Whisky) Bottle 7 man a ni a, a neitu hi hemi zan vek hian Kumpuan Sub-Committee hminga koh ni in thu tha hrilh a ni.
- Kan veng tleirawl Chanmari Veng insual buaina a tel te, hun remchangah koh a, thu tha hrilh a zilhau tur a tih a ni.
- In luah tir tur nei ten, YMA Pem Lehkha nei lo chu in luah tir lo turin kan in ngen tak meuh meuh a, an rawn in suan luh ni ah pem lehkhah hi rawn nei nghal tura beisei an ni.

Heng kan tarlan takte hi hmalakna langsar zualte chauh an ni a, heng bakah hian Kumpuan Sub-Committee-te hian nitin theihtawp chhuahin hma an la reng a ni. Kan chenna khawtlang ngei mai hi nuam leh thianghlam, kan tu leh fate tana thlamuang taka nun an hmanna tlak a lo nih zel theih nan hian mimal tinte hi kan pawimawh tak meuh meuh a ni. Khawtlang thatna hian mimal tana nunkawng nuam leh him a rawn thlen thin avangin Kumpuan Sub-Committee-te hmalakna hi kan thlawp thiam a ngai a, chutiang tur chuan Kumpuan Sub-Committee-te pawhin an hmalakna te tawiawm turin veng mipuite min sawm tak meuh meuh a ni.

INTER BRANCH YMA VOLLEBALL TOURNAMENT

August ni 4 – 15, 2026 chhunga LBS SUZUKI, 24th Inter Branch YMA Volleyball Tournament neih turah Ramhlun North Branch YMA Executive Committee chuan tel ve ngei tha a ti a. He tournament a tel turte chu Ramhlun North khua leh tui an ni ngei a ni tih Voters ID/ Aadhaar Card ah a lang tur a ni. Kan veng hminga khel duhte chuan a hnuaia hming leh phone number tarlan ah te hian July ni 10, 2026 ral hmain in whatsapp a in report turin kan in ngen e.

- Pu Thandigliana – 8014 333 072
- Pu C. Lalremruatfela – 9612 712 660
- Pu Lalramdina Sailo – 9612 378 176

Ramhlun North hi tun hma chuan Volleyball-ah Zoram khawvel hriat hat khawpa tha leh hming chher kan ni thin a, CYMA Volleyball tournament-ah ngat pheichuan hnua chhuawm tak kan lo hnutchhiah tawh thin a ni. Mahse, hun a kal a, vengchhungah Volleyball boruak hi a thih titih deuh ta der mai. He tournament hi harh thar nan hmang ila, thalai la khel ngai lo te pawhin inzir nan hmangin Volleyball hi chawi nung leh thei ila a duhawm hle. Kan veng hi Volleyball 'Power House' ah siam leh turin thalaite kan tan thar a ngai a ni.

MARYMA	PHEK 2-NA	RN YMA CHANCHINBU
 Editorial PING LO SE <i>Mizo khawtlang nunah hian tui hna humhalh chungchang leh kan lui tuite thianghlim taka vawn a pawimawh zia kan sawi fo va, thahnemngai taka hma la tute pawh kan awm thin. Mahse, tui hna lian zawk kan humhalh rual hian, kan kawtchhuah leh veng chhung maia awm, kan hmuh hmaih fo si chu kan luikawr hlutna leh dinhmun hi a ni awm e. Kan tui luankawr te hi bawlhhlawh paih nan kan hmang mai thin hi thil paw tak a ni. Kan hma zawn lawka luikawr te reuh te te, tui luanna tur hrim hrima siam leh awm te hi, khawpui hmasawwna hian a hliahkhu thuk ta hle a, khawtlang tana an pawimawhna kan theihngihl thin. Kan inchhung bawlhhlawh hrang hrang te tui luikawr a kan han paih liam mai thin hian zawi zawiin kan veng chhung hriselna leh hmelhmang a tichhia tih kan hmuh hmaih fo.</i> <i>Ruah tui tlak tam thla a lo nih tawh phe chu an, heng luikawr te hi kan tan phurrit leh hlauhawm thlentu an lo ni ta thin a. Ruah a lo sur thut changa luikawr lo ping ta te hian tui kalna tur mumal nei lovin kawthlerah leh mihring chenna in hnuai lamah te tui tling a siam phah thei a, hei hian khawtlang hriselna thlengin a nghawng chhe thei. Kan ram leilung nih phung nena inrem lo khawpa tui lo tling hian leimin leh chhiatna rapthlak zawk a thlen thin a ni. Tui luanna tur dik taka a luan loh hian chhungkua leh khawtlang tan chhiatna leh harsatna tam zawk a hring thin a, chu chu kan inthlahdah vang leh kan fimkhur tawh loh vang vek a ni thin.</i> <i>Lui lian leh tui hna humhalh chauh a tawh tawh lo va, tunlai chhanah chuan veng chhunga tui luikawrte hi kan ngaihpawimawh a hun ta viau. Khawtlang hmasawwna kan tehna hian kan kawngpui leh in mawi chauh ni lovin, kan veng chhunga tui luankawrte thianghlim taka enkawl te pawh hi a huam tel tur a ni ang. A enkawl fai kawngah mi kuta dah mai lovin mimal tin hian kan in bul hnaia luikawrte thianghlim taka vawng turin hma kan lak a hun tak zet tawh a ni.</i>	 AIZAWL BOMB Thangthar tam zawk te chuan kan hria in kan ngaihven lo mai thei, mahse kan hnam chanchina hriat reng tur thil thleng a nih avangin han thailang nawn leh teh ang u. Kum 1966, March ni 4 leh 5 khan, kan Zawlkhawpui chu India sorkar-in a râlpui phiar a a phiar a, a ram mipuite ngei thlawhna hmanga a beih (air strike) kha Mizo te tan chuan theihngihl rual a ni lo. Kum tam tak liam tawh mahse thil hlui a ni thei lova, tûn thlengin thlarau leh rilruah hliam hmanpui a la ni reng. Aizawl khawpui chu khati mup mup khan Pi Indira Gandhi-i kaihhruai sorkar khan bomb chimit vek a tum a. Mipui ni lovin, kan ram leilung chauh an duh vângin, India rama a vawi khatna atan sorkar chuan ama ram mipuite (civil mi) ngei chu thlawhna hmanga bomb-in a bei ta a ni. March ni 4, 1966 khan MNF movement vângin Aizawl boruak a muanawm loh hle a, India sipai hmalakna ngaichangin mipui an ti ti luai luai a. Engtin nge India sipaite chu an chet ang ti-a mipuiin an inrinsiak luai luai lai chuan thlawhna nen India sipai chu an rawn che ta thut mai a ni. Machine gun hmangin Aizawl khawpui mawi tak chu an rawn kap ta chiam mai a. Assam hmun pawimawh pakhat, Tezpur a tângin Hunter leh Toofani fighter jet thlawhnate chuan Mizoram khawpui an rawn pan a, heng thlawhna khalhtute hian Aizawl khawpui chu dim baksak lovin an bomb ta chiam chiam mai a ni. (Tezpur hi tunah hian MIG-21 thlawh zima atan an hmang mek a ni). March ni 5, 1966 chu Mizoram beih ni hnihna a ni a, hemi ni hian mipuite chuan beiseina sang zawk nena boruak ziaawm an inbeisei laiin, chu beiseina chu Pi Gandhi chuan a thlen dik tir dawn si lo. Thlawhna chu vûng tak takin a rawn thlawk leh a, Aizawl mipuite tan thinthi-a bihruk mai loh chu tih tur a awm lo, dam an la duh tlat a ni. “In hnuaiah bunker kan siam a, kan zuang lut a, kan biru nghal a,” tiin Aizawl bomb lai hretu chhun a sawi a. “Keini chuan ral khat a tângin kan thlir a, kan tlan chhia a. Aizawl chu a alhin a alh hlauh hlauh mai a ni, a ni hnihnaah chuan,” tiin Pi Lalmangaihi, Laipuitlanga cheng hlun tak chuan tawn hriat rapthlak tak chu a sawi chhuak. Hemi ni hian bomb chu maipawl tiat tiat a tla a, mipui tan tawrh a har ngei mai. Sawi chhiat tur pawh a ni lo a, sawi mawi theih pawh a ni hek lo. Kum 1966 kum hian Indira Gandhi chuan Mizoram chu vaivuta chantir paw a ti lo hle. Burma leh Bangladesh inkâr cheha awm Mizoram hi a ram leilung chiah hi Gandhi	chuan a duh niin an sawi thin, Moraji Desai (Pradhan Mantri lo ni tawh) pawh khan, "Mizoram ârhmai tiat lek a mihring te chu, Rajasthan thlalerah sawn darh vek ila ni mai a lawm," tiin diriam takin a lo sawi tawh baw a. Chuvang chuan a mipuite chu tih chimih vek duhin kan khawpui ber Aizawl chu a bomb ta a nih kha. Hetih hunlai hian Champhaite leh Saitualte chu MNF kutah hetih lai hian a awm tawh si a. "Hei vâng hian India sawrkar chuan Aizawl chu vaivuta chantir a tum a ni," tiin Col. Vanthanga, rambuai laia MNF tana lo feh chhuak thin chuan a sawi. Hemi tum hian India hian a ram mipuite lakah a vawikhatna atan air force hi a hmang a, a rapthlak tak zet a ni. Goa beih kha chu Portuguese rikrapna ram dang laka hmalakna a ni a, sorkar chuan tûn thlengin Mizoram a beih chhan hi a la sawi fiah thei lo va, eng vânga thlawhna hmang hial-a bei nge a nih tih a puangzar hek lo. Hei hi India chuan thurukah a dah a, a zêp tlat mai a ni. “Mizoram buai lai khan thlavang hauhtu kan mamawh em em a, zia leh thlalak document reng reng a awm lo, sorkar khan a phal lo hrim hrim tlat a. Tûn thlengin hard facts hi hmuh tur a vâng hle. Mizote tana thil pawimawh leh hlu tak chu Khasi MLA-in kan thlavang an lo hauh kha a ni. Hoover H. Hynniewta leh Stanley DD Nichols Roy, hetih hunlaia Assam MLA (Mizoram kha Assam a la ni a, District chauh a la ni) te chuan Mizoram an bomb hnu lawk hian Aizawl hi an rawn tlawh a, an thil hmuhte chuan an rilru a tina hle a ni. Pu JV Hluna, Aizawl bomb chungchang chhui letna-a sulsutu ber chuan hemite pahnih thusawi hi a tarlang a, "A rapthlak a ni, Aijal thlawhna hmanga beih tum hian MNF leh MNF lo thliar hran a ni lo a, mipui kha an bei tawp mai a ni,” tiin a sawi. Indira Gandhi chu hemi chungchangah hian zawhna zawtin Indira chuan, "Keini chuan chaw leh mihring dahbelh turin kan tir (dropped supplies)," tiin zuk han sawi a! Hetih hunlai hian Nicolas Roy chuan Indira chu zawhna zawtin, "Hetiang ration hi engtin nge mipuiin an chhum ang, engtin nge ei se in tih?," tiin a zawt let nghe nghe a, hei hian Mizo mipuite min hmuhsit zia a tarlang Chiang Hle. Compensation pakhat mah kan la lo, min tihduhdah a, min diriam hle si a ni. “March ni 5, 1966-ah indo thlawhna hmangin Indian Air Force te'n Mizoram an bei a, he tawrhna hi hriatreng a ni a. Kum tin Aizawl bomb hun hi a inherchhuak dawn a, hetih hunah hian thangtharte hian Aizawl bomb chungchang hi khawvel hriat khawpin kan tlang thantir zel a tul a ni, thudik hi hliahkhu hlen theih a nih loh zia lantir turin Sorkar hian ngaihdam min dil ve ngei tur a ni.
Editor: Vanengmawia (7085878827); Jt. Editors: A. Lalfakzuala, Lalrotluangi Zote, , Henry VL Nghilhlova Zote Manager: Lalremsanga Hnamte (8974845644); Asst. Managers: Zodingliana, Lalrinchhana, Lalrinawma News Editors: Lalrintluanga, Lalrawntluanga, Andrew Lalmalsawma, Samuel R. Lalmangaihi, D. Lianmanga, Vanalremruatpuia Ralte Circulation Managers: PB Lalhupazauva, Samuel Lahlupuia, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia		



ZIN & HAW

■ Pu KC Lalramluahpuia, BECM hna thil a Kolasib a zin chu a lo haw leh ta.

■ Pi Lalsanghliri, V-Sec. chu in check-up turin Shillong-ah a kal a, an pa Pu HV Lalromawia'n a kalpui.

■ Tv. Lalremruata Renthlei, T-Sec. chhiattawhna avanga Hnahthial a zin chu a lo haw leh ta.

■ Pu C. Lalnunzauva, S-Sec. chu in check-up turin Kolkata-ah a kal, a nupui Pi Hliri Ralte in a kalpui.

■ Pu C. Laltlansangate chhungkua, V-Sec. chhiattawhna thilah Lawngtlai a zin chu an lo haw leh ta.

■ Tv. R. Lalmangaihsanga s/o Er. R. Rohminglana, T. Sec. chu zirna chhunzawm turin UK-ah a kal.

■ Nl. Raphael Rinhlupui d/o Jeremiah L. Fanai, T-Sec. chu a zirna hmun Shimla atangin chawlh hmangin a lo haw. A u Tv. Andrew Lalmalsawma chu Study tour hmangin phai lamah a zin mek baw.



KOHHRAN

■ **Presbyterian Kohhran, Ramhlun North: Cleaner hna dil theih**

Presbyterian Kohhran, Ramhlun North chuan Cleaner a la dawn a, diltu chu Presbyterian kohhran member, Dan chhunga awm, Ruihhlo laka fihlim a ni tur a ni.

Dil hun chung : 19 July, 2026 thleng

Hna tan hun : 1st August, 2026

Hlawh : ₹ 12000/-

Quarter leh tui connection free

Diltu chuan dilna Plain Paper ah ziakin Kohhran Secretary hnen ah thehluh tur a ni ang. Dilna ah address kimchang tarlan baw tur a ni e

■ **Baptist Kohhran:** BCM Ramhlun North Kohhran chuan ni 4 & 5, 2026 (Inrinni leh Pathianni) hian Mission Week-end programme an hmang ang a, Speaker atan Rev. Lalrohlua Pachuau, AICS a ni ang.

■ **Roman Catholic:** July ni 3, 2026 (Zirtawpni) hi Biak In kut a nih angin zan dar 7:00 ah Mass a awm a, Kohhran Hall-ah a lawmna programme hman chhunzawm a ni.

■ **Salvation Army:** Ni 2 July, 2026 (Ningani) kha khawvel pum huap-in Salvation Army Hmuchhuaktu Ni (Founder's Day) a ni a, hemi denchhen hian zan lamah Inkhawm buatsaih a ni a, Salvation Army lo dinchhuah dan leh rawngbawlna bulan dan Evan Lalmuthara, TEM Speaker hnen atangin ngaihthlak a ni. Tin, Founder's Day pual hian SAY te chuan July ni 1, 2026 (Nilaini) zan khan Indoor Stadium sir zunin, Industry Peng zunin leh Salvation Army Biak In thlang zunin tifiain an hnatlang baw a ni.

Dt. 5.7.2026 (Pathianni) hi Salvation Army Medical Fellowship (SAMF) Sunday a ni a, Thianghlamna Inkhawmah hemi pual hian damdawi lam thiam ten chanvo an nei baw ang.

LEI PIAH LAMAH



HC Laltlanfela, K-22 s/o Rebec Laldinpui, C-Sec. chu ni 03.07.2026 8:30 AM khan a boral a, hemi ni vek tlai dar 3:00 ah Ramhlun North Thlanmual, Zemabaw ah vuiliam a ni.

Lusun khawhar chhungte thlamuantu Pathianin vengin awmpui zel che u rawh se.



DAMLO

■ Lalfakmawii d/o Pu Lalduhkima, V-Sec. chu Typhoid leh khawsik avangin Synod Hospital, Durtlang ah enkawl mek a ni.

■ Pu Lalfamkima, C-Sec. Ebenezer Hospital-a awm chu in lamah inenkawl chhunzawm turin a lo chhuak.

■ Pu Lalmunsiam, C-Sec. Aizawl Hospital-a awm chu in lamah inenkawl chhunzawm turin a lo chhuak.

■ Edlyn Lalfakzuali d/o Pu Vanlalzawna, K-Sec. chu hritlang khawsik avangin in lamah enkawl mek a ni.

■ Emily Remruatkimi d/o Pu Zodinsanga Parte, K-Sec. chu influenza avangin in lamah enkawl mek a ni.

■ Emma Lalnunhlumi d/o Pi Lalruatfeli, K-Sec. chu khawsik leh luak avangin Nazareth Hospital-ah enkawl mek a ni.

■ Lawmsangzuali leh Remruatdiki d/o Pu Victor Lallawmawma, K-Sec. te chu hritlang khawsik avangin in lamah enkawl mek an ni.



THILDANG

■ **Insawn:** Pi Mary Lallawmsangi te chhungkua, K-Sec. chu Pu H. Lalnuntluanga (Fam) In, K-Sec. atangin Pu K. Lalruala In, N-Sec. ah an insawn.

■ **Urban Health & Wellness Centre:** Ramhlun North Urban Health and Wellness Centre-ah Bp sang leh Zunthlum damdawi bakah a thlawnin damdawi hrang hrang lak theih reng a ni.

Doctor hi kar khatah wawi 3; Thawhtanni, Thawhlehi leh Ningani-ah a thu thin a ni. Thawhlehi leh Zirtawpni ah pawh damdawi la tur leh in check-up duh chu a kal theih reng baw a ni.



LAWMAWM

■ Nl. Malsawmzuali Khiantge c/o Lalfakzuala Khiantge, V-Sec. chuan mi harsa zawkte tanpui nan a lehkhahu ziah 'Tleirawl Aurawl' hrallna atangin pawisa a pe.

■ PC Lalramtiamnghaka s/o PC Zohminglana (Fam), T-Sec. chu MPSC in Combined Competitive Exam a buatsaih ah Assistant-ah a tling.

■ Pu Zosanglana Ralte leh Pi JC Angela Lalrindiki te nupa, T-Sec. te chuan ni 22.06.2026 khan Aizawl Hospital-ah fapa an nei.

■ Pu Lalsangvunga Sailo, S-Sec. chu ni 29.06.2026 khan Assistant Sub-Inspector, Excise and Narcotic Department atangin Superannuation in a pension.



LOCAL COUNCIL

■ Commissioner of State Tax, Government of Mizoram hnen atanga lehkhah kan hmuh angin Ramhlun North Local Council huam Chhunga Dawr nei, GST file lo zawng zawng te chuan Local Council hnenah a rang thei ang berin a hnuai amite hi theh luh tur a ni.

1. Dawr hming.

2. Dawr address, landmark.

3. Residential address.

4. Dawr neitu Phone No.

5. Dawr neitu PAN no.

6. Mi inluah a nih chuan in neitu hming, address leh Phone no.

Hriatfiah duh nei chuan Local Council Secretary hnenah a zawh fiah theih e.



PAWL DANG

■ **Ramhlun Sporting Club:** Ramhlun Sporting Club, Taekwondo Sub-Committee chuan Community Hall (Taitea Tuikhur chungah) Teakwondo zirna a buatsaih leh tan ta a, admission ti duh tan Pu H. Rodinglana (Marova) Taekwondo Sub-Committee Secretary Ph - 9862818415 leh Pu Lalhriatpuia (Hriatpuia) Taekwondo Sub-Committee Asst. Secretary Ph-9862537706 ah te Admission a tih theih e. Admission fee - ₹ 500/- Monthly fee - ₹ 400/-

RAMHLUN NORTH SEPTIC TANK KHAT TAN

Septic Tank Paihfai leh Repairing engkim kan ti theih e. Comode "Block, Pipe Fit, Ek in khur leh, Soak pit tha lo, a thar pawh kan siam theih reng e"

RATE: INBIAKREMNA

Mb-9863524969 / 9383178166

HRIATTIRNA

Pi Laldiniani d/o K. Zangira of Chaltlang Veng hminga LSC. No. AZL 3326 of 1987, Bawngkawn hi ti bovarawn insawin Re-issue a rawn dil a. A dil anga tihsak a rem lohna chhan engpawh hria chuan chanchinbu a chhuah atanga ni 30 ral hma ngein a hnuai address zia ah hian hriattir tur a ni. Hetiang a LSC thar pek chhuah leh a lo nih chuan LSC hmasa chu cancel nghal a ni ang. Sd/ Assistant Commissioner (Revenue) Revenue Branch Aizawl District: Aizawl North

AROMA UNISEX SPA (5-3)

Therapist: 'Certified & Trained by Founder. Specialized in Pain Relief Therapy'

Kum 17 lai experience nei tawh. Sweden leh Australian mi te hnen atanga zir chhuak. Taksa na leh kham, ban phar tha thei tawhlo, kawng na, dar na leh kham.

Lu na benvawn nei. Nerve thalo leh Sciatica vanga harsatna nei te tan. Pan theih reng kan ni e.

Ramhlun North Industry Peng bul, SBI Bank hnuai chiah.

Call/WhatsApp: 8794752295

BADMINTON PART-2



- Khuma, N-Sec.

Thlakhat leh hapta hnih a liam hnuah, cock vaw tura sawmna ka dawng leh hlauh mai a, sawmtute hnar ngai lo mihring nih kha ka tum a lo ni ve bawk nen, lawm takin ka pawm a, rilrua phurna namen lo nei chungin, ka sneaker neih ve zing a ka hluih lawn tawh chu ka bun mawlh mawlh a, phur tak ka ni. Tichuan a vuakfung (Racket) te pawh a bawmah thlap dahin, ka inhawlhhuak ve leh a, cock zuartu hnenah pawh a bawm dilin min pe bawk a, a bawmah thlap dahin mahni inrintawkna lian ve tak neiin, min sawmtute lokal thlen tawhna, Durtlang Hall-ah chuan ka lut ve leh ta a.

Tin, ngai teh heti hi a ni a, Hall chhungah chuan khawi lam atanga lokal nge an nih ka hriat lohte chuan an lo khel a, reilote kan nghah hnu chuan min tinsan leh ta dial hlawm a, hmeichhe naupang kum 10 leh kum 3 mi leh mipa naupang chiah chu an bang ta a, ka kalpuite nen kan phur tlang takzet a ni. Mahse, cock vaw tur hian inkawpkim kher a lo ngai a tiin ka lungrualpui pali te chuan kan lo khel hmasa ang a hemi zawhah i khel ang min ti a. Ngawi teh u, patling cock vaw chak lutuk tawh hi a dan a dan chi ka ni lo, a thiam bik pahnih kha tang dun u la, leh lamah pathum kan lo tang ang tiin, khelh dan hram ka ngaihtuah a.

Chutih lai tak chuan, hmeichhe naupang kum 10 leh kum 3 mi chuan, ka pu inkhel ila tiin min lo sawm a, cho namen lo hian min lo cho hi a lo ni a. Mami i cho chi ka ni lo, kan kum pawh a inthlau, tin naupang i ni a, kan taksa pawh a inthlau lutuk ka ti a. Ka pu khel chhin hrim hrim ang a la ti ta deuh deuh a, aw le tiin court awlah chuan kan phei dun ta a. Tin a ni chuan, cheng 100 inchawi i la a la rawn ti zui a, i cheng 100 ka neihsak ringawt dawn che a sin, a ni lah chuan, a pawl lo a la ti hram a, ka cheng 100 neih chhun chu, Net banah chuan ka tar va mai a. Va tar ve rawh ka ti a, ka nei lo tiin min chhang a, ka chak loh chuan Cock thar ka pe ang che a ti ve mai a. Cock inthawhtawmin, ka cheng 100 kan han inchuh tak tak mai chu, tan a na ngei mai, ka theihtawp aia nasa hi ka chhuah tak meuh chu a ni e. Tin a ni kha, ka zuam ang chu a lo ni nasa mai a, a kum naupan aia lo khel nasa leh tawn hriat ngah zet mai a lo ni a, hnai deuhah a rawn vaw kai a, chumi hnuah hla deuhah a rawn vaw phei leh thin a, inkhellhna tualzawlah kan tlan kual tak tak mai chu e, ka chau lutuk kha nau sawgnawi ang mai hian, keimah leh keimah kha tum hnih lai chu ka inpal thlu hialin ka hria.

A thawhthumna kan han khel leh tur zet kha aw, ka phur viau tawh lo khawp mai, thlantui nen, mittui nen, hnaptui nen, a tui thei zawng zawng kha a rawn tui a ni ber mai. Ka cheng 100 kha a ui hian ka ui thei tawh lo hrim hrim, a tawp dawn lamah phei chuan, a lai takah dingin, a pen hian ka pen sawn tawh lo hrim hrim, ka zawna cock lo kal kha, ka vai fuh hlauh chuan ka hlah lo chu a ni mai a, ka ban phak loh chin zawng chu, ka en var liam vel mai mai tawh a, a ni lamah khan ka tang chu a ni ber tawh mai a, chak vat vat sela, chawlh hahdam kha ka chak ber tawh nia. Tin a ni chu ka lama rawn kal hnaiin, ka pu tang ve deuh teh min la rawn ti leh ta nghal a, Mami i zak lo hle mai maw, nangmah ni lo, i nu leh pa te nen lama hauh hrep che u asin ka duh ni, heti em em a chau a min siam hi, an zilh ngai lo che a ni maw tih hial ka nap a. A tawpah chuan hnehna chu a chang chiang khawp mai, keia chau lutuk ber mai kha. Ngau kahthlak ang maiin chhuatah che miah loin ka bawk thlawrh a, ka hahdam deuh hnu chuan, ka ke kham lutuk kha, ka in vahui ekzial tup tup bawk a, ngai ka awh leh hnu, ka hahdam tawh viau hnuah khan mipa naupang te zawk khan cho takte hian min lo cho leh a, cheng 10 inchawi ila a la rawn ti zui leh bawk a, ka ngaihtuah fe hnuah min sawmna chu ka pawm ta a.

Tichuan ka cheng 10 chu kan inchuh dun leh ta a, ka chak ve mai dawn e ka ti hman hial a, a tawpah a rawn tang leh tak tak mai kha chu ka tuar leh ta lo, a ni aia point hmu sang zawk si kha min pawtthla chiang khawp mai, a chak zawkah a tang leh ta. Enga ti nge nangni pahnih hi heti em em a min zuam nge in nih, ka pawisa neih chhun zawng zawng min laksak vek a lawm ka ti a, ka kal hmasak tuma ka khelh dan kha min lo hmu hi a lo ni a, kut bengin min haw tir chiang khawp mai.

Aw le thiamna te, theihna te hi taksa leh kumah a lo innghat lo a, tawnhriatah leh tihthannaah a lo ni ta ber zawk awm e.

KC TUI

Tui thianghlim leh fim tha em em, Pick up in litre 2000; tlawm takin kan pe thei e.
Ph: 9774 223 462 / 7005 010 327 (10-3)

SHEBAH TUI

Tui thianghlim chawi tur a awm reng e. Rs 0.12/ltr.
Leitan Ramthar Zuangtui Road.
60096 84085/8119865717 (5-5)

PUIA SEPTIC TANK SERVICE

Septic tank paihfai, commode block, pipe, commode fitting, soak pit leh a khur repairing engkim kan khawih thei e.
Rate: Inbiakremna **Ph: 6909266562** (10-10)

SAWMASEPTIC TANK SERVICE

Septic Tank khat paih fai, Commode block, Pipe Fit, Sockpit thar siam, engkim kan thawk thei e.
Rate: Inbiakremna Ph: 8119969364 (10-9)

VANCHHAWNG SEPTIC TANK

Septik tank khat englai pawh in kan paih fai thei a,repair,commod block,pippe block kan siam thei bawk e,
Rate: Inbiakremna **Ph. no: 9615458679** (10-9)

MD SEPTIC TANK SERVICE

Septic Tank paih fai leh commode block, soak pit hlui leh a thar kan siam thei a, pipe fitting engkim kan thawk thei e.
Rate: Inbiakremna Ph: 8258950077 (10-8)

VANLALFELA SEPTIC TANK

Septic tank paih fai, commode block, pipe, soak pit tha lo leh a thar pawh kan siam thei reng e. Kan sulhnu a felfai a, service hlun leh rin tlak kan ni e. Hmanrua engkim kan intodelh bakah kan rate a tlawm e. **Contact: 9436199884** (10-8)

L.H. SEPTIC TANK SERVICE

Septic tank paihfai leh repairing engkim kan thawk thei e.
Kum 17 chuang experience nei kan ni e. (10-7)
Rate: 4500/- per trip **Ph.: 6909183193**

KHIANGTE SEPTIC TANK SERVICE

Septic Tank khat paihfai, khur chhung lutin, Comode Block, Soak pit thar siam, Pipe Repair engkim a neitu te lungawi na thlap in kan thawk thei e.
Contact - 9862344971 Bawngkawn South (10-8)

JM SEPTIC TANK SERVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.
Rate: inbiak remna. Registration: MRS 542
Contact: 9862476439 (10-5)

TLUANGTEASEPTIC TANK SERVICE (10-5)

Septic tank khat paih leh repair kan ti thei reng a, rate chu inbiakremna a ni ang.
Contact: 6033373188/9612376373 C/o Marina: 9436140350

MAFELASEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.
Rate: Inbiakremna **Ph: 9233440125** (10-6)

SP TUI

Tui hna thianghlim, ei leh in tlak, litre 2000 pickup trip kan pe thei e.
Mobile: 9615789047 (15-6)